

Headline	Oltmans cuba penuhi impian Kumar		
MediaTitle	Harian Metro	Language	Malay
Date	22 Jun 2019	Readership	338,115
Circulation	112,705	Page No	75
Section	Arena	Journalist	Saiful Affendy
ArticleSize	174 cm ²		
PR Value	RM 20,564		



Oltmans cuba penuhi impian Kumar

Saiful Affendy Sapran

saifulaffendy@hmetro.com.my

Kuala Lumpur: Ketua jurulatih skuad hoki lelaki negara, Roelant Oltmans akan cuba memenuhi impian penjaga gol, S Kumar (*gambar*) untuk beraksi di pentas Sukan Olimpik Tokyo 2020 buat kali pertama.

Jelas Oltmans, beliau sememangnya kagum dengan semangat tidak pernah mengekal erti putus asa ditunjukkan Kumar.

"Tidak dinafikan Kumar penjaga gol terbaik kita ada di negara ini. Dia juga mempunyai pengalaman luas sekali gus memberi manfaat besar kepada pasukan.

"Bagi saya dia seorang pejuang. Walaupun sudah empat kali berdepan kekecewaan gagal layak ke Olimpik, dia masih menyimpan impian beraksi di temasya sukan itu. Kami harus menjadikan impiannya itu satu kenyataan," katanya.

Malaysia akan beraksi pada per-

lawanan play off kelayakan Sukan Olimpik yang dijadual berlangsung November depan bertemu lawan belum diketahui lagi.

"Walaupun ia sekadar dua perlawanan timbal balik, tetapi kita masih ada peluang untuk layak. "Banyak detik tidak dijangka dalam dunia sukan. Kadang-kadang perkara tidak dijangka berlaku dan untuk itu kami semua harus terus yakin dan percaya," katanya.

Menerusi laporan Arena Metro, penjaga gol utama skuad negara yang baru pulih daripada kecederaan koyak otot paha ketika beraksi di saingan Liga Hoki Malaysia (LHM), Februari lalu itu berjaya, hasratnya untuk beraksi di Sukan Olimpik tidak pernah luntur meskipun berdepan kekecewaan dalam empat kempen kelayakan sebelum ini.

